

# Ka Fiirsashda Ikhtiyaaradaada Xanuunka Dhabar Hoosaadka Muddada Dheer

*Is-daryeel, Jimcinta Laf-dhabarka (Spinal Manipulation), Cilaajka Jidhka (Physical Therapy), Irbadaha Shiinaha (Acupuncture), Dawo, Duris, Cilmi-nafsiqaa Xanuunka (Pain Psychology), Dib-u-hawlgalin (Rehabilitation), Qallitaan*



For “Considering Your Options for Chronic (Long-term) Low Back Pain” in English, see [ortho-ah-78659](#)

# Fahmidda Xanuunka Dhabar Hoosaadka

## Xanuunka Dhabar Hoosaadka

Xanuunka dhabar hoosaadku waa caam. Wuxuu laga yaabaa in xanuunkani qas galiyo hawlo maalmeedkaaga, socodka, firfircooniida jidhka, raaxaysiga iyo shaqada.

Haddii ad qabtid xanuunka dhabar hoosaadka, wuxuu laga yaabaa inad tijaabisay ikhtiyaaro la-tacaalis oo badan.

Ikhtiyaarada ad xanuunkaaga dhabarka ee hadda u heli kartid waxay ku xidhanaan doonaan baahiyagaaga. Ikhtiyaaradaas wuxuu ku jira:

- is-daryeel
- duugduugis (chiropractic)
- cilaajka jidhka (physical therapy)
- irbadaha shiinaha (acupuncture)
- dawo
- duris
- cilmi-nafsiya xanuunka (pain psychology)
- dib-u-hawlgalinta qofka qaba xanuun (pain rehabilitation)
- qallitaan.

Wada-jir, adiga iyo bixiyahaaga daryeelka caafimaadka ayaa go'aamin doona ikhtiyaarada adiga kuu ah ammaan oo go'aamin doonia sida ugu fiican ee loola tacaalayo xanuunkaaga dhabar hoosaadka.

Go'aankani wuxuu ku saleysnaan doonaa anfacyada iyo halisyada ikhtiyaar kasta iyo waxa ad qiimeysid iyo doorbidkaaga. Go'aankaaga waad beddeli kartaa wakhti kasta. La hadal bixiyahaaga daryeelka caafimaadka haddii ad qabtid wax ah su'aalo ama walaacyo.

Weydii bixiyahaaga caymiska wixii ku saabsan dabiraadda ama bixinta kharashka wixii ah ikhtiyaaro la-tacaalis ee lagaga hadlay buuggan.


## Sababo

Dhabarkaagu wuxuu ka kooban yahay tiir dhabar (laf-dhabar), giraamo, xadhiga xangulada (iyo dareemeyaal), seedo iyo muruqyo. Dhaawac dhabar, cilad ah laf-dhabarka ama cudur ayaa saameyn kara mid ama ka badan oo ka tirsan qaybahaas. Waa caam ama waa arrin in badan dhacda in la yeesho dhabar xanuun iyada oo aanuu jirin dhaawac ama cilad ah laf-dhabarka.

Sababta xanuunka dhabarka hoose lama go'aamin karo. Taasi waa dhab xiitaa haddii ad garanaysid dhacdo gaar ah oo sababtay sida dhicitaan ama shil baabuur.

Dhabar xanuunku wuxuu yimaadaa marka dareemeyaasha ku jira dhabar hoosaadka, oo u weheliyo xadhiga xangulada iyo maskaxda, ay dareemaan halis. Xanuunku wuxuu kaaga digayaa in wax khaldan yihiin. Waxa tan sababi kara waxyaabo badan sida giigsanaan, la'aanta jimicsi ama dhaqaaq.

Badanaa xanuunka dhabar hoosadka waxa u ka yimaadaa sababo badan.



© Allina Health System

**Qaybaha la magaacaabay ee tiirka laf-dhabarkaaga.**

# Fahmidda Xanuunka Dhabar Hoosaadka (sii socda)

## Baadhitaano

Bixiyahaaga daryeelka caafimaadku wuxu kuu sameyn doonaa baadhitaano si loo baadho xaalado la xidhiidha xanuunka dhabar hoosaadka ee muddada dheer ku hayay.

Waxay kaala hadli doonaan baaritaanada ay u malaynayaan in aad samaynayo. Tani waxay ku xidhnaan doontaa baadhistaada iyo taariikhdaada caafimaadka.

Waxa laga yaabaa in laguu sameeyo baadhitaanada sida baadhitaano dhiig iyo shaybaadh, raajoojin, sawiridda birlabta (MRI) iyo daraasado ah korontada muruqyada (EMG).

## Soo Fiicnaansho

Waxa laga yaabaa in xanuunkaaga dhabar hoosaadka ee muddad dheer aanuu waligii si buuxda u tagin. Hadafku waxa weeye in la helo la-tacaalisyo kuu oggolaanaya in la maareeyo xanuunkaaga si ad u noqotid qof firfircoон maalin kasta.

Waxa laga yaabaa in soo fiicnaantu sii dhakhso badato haddii ad ahaatid qof firfircoон oo ad qabatid hawlo maalmeedkaaga intii ad kari kartid sida socod, shaqo ama dukaameysi.

Wakhti badan oo ad ku jirtid jiif ama fadhi ah hal meel wuxu sababi karaa maroojin muruqyo ama danqasho. Tani waxa kale oo ay saameyn kartaa caafimaadkaaga maskaxda. Raac fariimaha bixiyahaaga daryeelka caafimaadka si aanuu xanuunku uga sii darin.

# Ikhtiyaarada La-tacaalista

## Is-daryeelka

Is-daryeeliddu waa hab muhiim ah oo ad ku maareyn kartid xanuunkaaga. Waxa jira ikhtiyaaro la-tacaalis oo ad iskaa u sameyn kartid. Hadafkaagu waa inad sida ugu dhakhsaha badan ee suurtogal ah ugu noqotid hawlahaga caadiga ah.

Jimicsigu waa habka is-daryeelka ee ugu muhiimsan ee ad sameyn kartid si loo maareeyo xanuunkaaga dhabar hoosaadka. Jimicsigu wuxu kaa caawin doonaa inad si sii dhakhso badan ad u dareentid soo fiicnaan marka la barbardhigo hababka kale ee is-daryeelka.

Noocyada kale ee is-daryeelka waxa ka mid ah:

- qalooca Qoorta
- qalooca Saableyda
- qalooca Dhabar Hoosaadka
- qalooca Lafta Dabo-dhilifta
- isticmaalidda kulayl ama xidhmo diiran
- isticmaalidda baraf ama xidhmo qabow
- isticmaalidda dawoooyin
- isticmaalidda farsamooyin neefsasho iyo dabcin
- qaadashada duugis ama masaajo ah cilaaj
- maareynta giigsanaanta
- bilaabista hawlo maalmeedkaagii sida adiga oo taga shaqada
- bilaabista jimicsiyo sida socod iyo iskala-bixin
- sameynta yoga
- helista hurdo kugu filan
- joojinta isticmaalidda tubaakada.

## Jimcinta Laf-dhabarka (Spinal Manipulation)

Jimcinta Laf-dhabarka waxa sameyn kara duugis-yaqaan (chiropractor) ama dhakhtarka daweynta jidhka oo dhan (osteopathic medicine). Daweynta jidhka oo dhan waxay daweysaa jidhka oo dhan— ma aha kaliya meesha xanuunaysa ama danqanaysa.

Dhakhtarku wuxu isticmaali doonaa toosin ah gacmo ku sameyn si loo dareemo oo loola tacaalo xanuunka. Toosintaa waxa ku jiri kara kala-bixin ama cadaadis naxariis leh iyo caabin la saaro aagga xanuunka. Waxa laga yaabaa in tani hoos u dhigto xanuunka oo fiicneyso dhaqaaqaaga.

Waxa laga yaabaa in dhakhtarkaagu:

- ku baro isbeddelo hab-nololeed si loo fiicneeyo jooggaaga iyo dhaqaaqaaga (sare u qaadista, galista iyo ka soo degista sariirta)
- ku baro jimicsiyo guriga lagu sameynayo si loo kordhiyo kala-bixiddaada oo loo fiicneeyo dhaqaaqa laabatooyinkaaga ama xaglahaaga
- ku taliyo cilaajyo kale si lagaaga caawiyo in muruqyadaada, laabatooyinkaaga iyo dareemeyaashaadu u shaqeeyaan si fiican oo loo yareeyo xanuunkaaga.

# Ikhtiyaarada La-tacaalista (sii socda)

## Cilaajka Jidhka

Cilaajka jidhku wuxu isticmaala oo noocyoo la-tacaalis oo kala duwan oo kaa caawin kara inad dareentid soo fiicnaan isla markaana u dhaqaaqidid si sii fudud. Waxa badi markasta ku jira jimicsyo loo baahan yahay inad sameysid ka-dib marka la sameeyo cilaajka.

Noocyada cilaaj jidh ee ugu caamsan waa:

- **Cilaaj jimicsi jidh oo ah hab dhaqameed:** waxad isticmaali doontaa jimicsi, is-daryeel iyo cilaaj. Tani waxay kaa gargaaraysaa inu yaraado xanuunku, waxana ay fiicneynaysaa awooddaada dhaqaaqidda oo kaa gargaaraysaa in la maareeyo astaamaha dhabar xanuunka.
- **Cilaajka xoojinta laf-dhabarka:** waxad isticmaali doontaa qalab gaar ah si loo xoojiyo muruqyada ku wareegsan laf-dhabarkaada. Tani waxay kaa caawin doontaa inay fiicnaato awooddaada dhaqaaqidda oo la mareeyo astaamaha xanuunka.
- **Cilaajka berkadda:** waxad jimicsyo dabacsan ka baran doontaa cilaaj-yahan dhex jooga berkadda. Tani waxay kaa caawin kartaa inu yaraado xanuunkaagu, inu fiicnaado awooddaada dhaqaaqidda oo la mareeyo astaamaha dhabar xanuunka.

## Irbadaha Shiinaha

Irbadaha Shiinuhu waa qaab dawo dhaqameed ay isticmaali jireen shiinuhu. Waxay jidhkaaga ka caawin kartaa inu is bogsiyo oo yareyn kartaa xanuunka. Waxa sameeya firxadlahaa irbadaha Shiinaha oo liisan ama ruqsad haysta.

Xirfadlayaasha irbadaha Shiinaha ee Allina Health waxa soo xaqijiyyay National Certification Commission for Acupuncture and Oriental Medicine waxana liisan ama ruqsad siiyay Minnesota Board of Medical Practice.

Waxa u xirfadlahaaga irbadaha Shiinuhu galin doonaa maqaarkaga irbado la jeermi-dilay kuwaasoo u galinayo meelo gaar ah oo ah jidhkaaga. Waxay irbaduhu kugu jiri doonaan muddo ah 15 illaa 30 daqiqadood.

Waxa lagu talinaya inad 6 booqasho ugu tagtid xirfadlahaaga irbadaha Shiinaha marka ad bilawdid la-tacaalista. Waxa laga yaabaa in booqashadaada ugu horeysa u dhixeyso 60 illaa 90 daqiqadood. Ballamaha ku xiga waxay qiyaastii qaadan doonaan 30 illaa 60 daqiqadood.

Xirfadlahaaga irbadaha Shiinaha kala hadal ikhtiyaaro kale oo ay isticmaalaan si qofka looga gargaaro in laga daweyyo xanuunka dhabar hoosaadka.

## Dawo

Waxa jira dawooyin dhakhtar qoro iyo kuwo la iibsan karo waraaq la'aan oo lagaga nafisi karo xanuunka. Kuwa ugu caamsan waxa lagu taxay boggan.

Waa muhiim inad bixiyahaaga daryeelka kala hadashid dawooyinka kale, aalkolada iyo darooga maaweeelada ee ad qaadatid. Wada-jir, adiga iyo bixiyahaaga daryeelka caafimaadka ayaa go'aamin doona dawada adiga sax kugu ah.

# Ikhtiyaarada La-tacaalista (sii socda)

## Dawooyinka Xanuun-baab'iinta

Dawooyinka xanuun-baab'iinta waxa lagaga nafisaa xanuunka. Waxa ku jira:

- dawooyin waraaq la'aan la iibsado sida acetaminophen (Tylenol®).
  - Ha qaadan wax ka badan 3,000 milligaraam (mg) gudaha 24 saac, iyada oo dhakhtarkaagu kuu sheego inad ka badan qaadan kartid mooyaane.
  - Ha qaadan wax ka badan 6 kiniin gudaha 24 saac.
- dawooyin dhakhtar qoro sida codeine, oxycodone (Oxycontin®), hydrocodone (Vicodin®), tramadol (Ultram®) iyo morphine. Kuwaan waxaa loo yaqaan daawooyinka xanuunka opioid-ka.

**Digniin:** obiyoodhka waa lagu walfaa. Ha qaadan kiniin ka badan intii laguu qoray ama ha qaadan muddo ka badan intii laguu sheegay. Marna dawadaada ha la wadaagin qof kale. Waa muhiim inad dawadaada u qaadatid sidii laguu sheegay. Obiyoodhku waxay leeyihii saameyn culus oo xadeyn kartaa hawlahaga isla markaana sababi kara dhibaatooyin caafimaad oo cusub.

## Lidka-bararka

Dawooyin lidka-bararka ee aan ahayn isteriyoodh (non-steroidal anti-inflammatory drugs) (NSAIDs) ayaa la isticmaala si looga nafiso bararka, balbalka, adkaanta, xanuunka laabatada iyo xanuunka muruqa. Waa inad dawooyinka ah NSAID ku qaadatid cunto si ad u yareysid halista calool qasanta.

Tusaalooyinka dawooyin la iibsan karo waraaq la'aan waxa ku jira ibuprofen (Advil®, Motrin®) iyo naproxen (Aleve®). Dawooyinka dhakhtarku qoro waxa ku jira prednisone iyo methylprednisolone (Medrol®).

- Iyaga Advil® iyo Motrin®, ha qaadan wax ka badan 2 illaa 3 kiniin 3 jeer maalintii. Iisticmaalka muddada dheer ee ibuprofen waxa laga yaabaa inu sababo dhibaatooyin ah kelyaha mustaqbalka.
- Iyada Aleve®, qaado hal mar 12-kii saac. Ha qaadan muddo ka badan 10 maalmood.

## Muruq dabciyeyaal

Muruq dabciyeyaashu waxay yareeyaan giigsanaanta muruqa iyo dubaacinta. Tusaalooyinka waxa ka mid ah cyclobenzaprine (Flexeril®), methocarbamol (Robaxin®) iyo tizanidine (Zanaflex®). Waxad u baahan doontaa waraaq dhakhtar.

## Dawooyinka xanuunka dareemaha

Dawooyinka xanuunka dareemaha ayaa la isticmaala si loo daweeyo xanuun ka jira dareemeyaashaada ama nerfaha. Tusaalooyinka kuwan waxa ku jira pregabalin (Lyrica®) iyo gabapentin (Neurontin®). Wuxuu laga yaabaa inad u baahatid waraaq dhakhtar si ad u heshid qaar ka mid ah dawooyinka xanuunka dareemaha.

## Dawooyinka guudka (topical)

Dawooyinka guudku waa dawooyin xanuun oo la mariyo maqaarkaaga. Tusaalooyinka kuwan waxa ka mid ah xylocaine (Lidocaine®) iyo diclofenac (Voltaren®). Wuxuu laga yaabaa inad u baahatid waraaq dhakhtar si ad u heshid qaar ka mid ah dawooyinka guudka.

## Duris

Ku durista dawo ayaa laga heli karaa ka nafiisadda xanuun muddo ah maalmo, todobaadyo ama bilo. Durista waxa lagu celin karaa ka-dib 1 bil, laakiin lama sameyn karo wax ka badan 3 jeer sannadkii haddii loo baahdo.

# Ikhtiyaarada La-tacaalista (sii socda)

Dawooyinka duris ah ee dhabarka ee ugu caamsan waa:

- **epidural (dhabar duris):** Duristani waxa laga helaa ka nafisaad xanuun iyada oo yareysa bararka iyo balbalka iyada oo la isticmaalayo isteriyoodh (steroid).
- **nerve block (xanibaad dareeme):** Duristan ah xanibaad dareeme waxay galaysaa marinkaaga dhabarka, laabatooyinka dhabarka iyo dareemeyaasha ku wareegsan.
- **trigger point (bar kicin):** Kani waa duris galaysa muruqyada danqanaya si looga nafiso xanuunka muruq danqanaya.

## Cilmi-nafsiga Xanuunka

Cilmi-nafsiga xanuunku wuxu ku barayaan sida loo yareeyo xanuunka dhabarka adiga oo sameynaya isbeddelo hab-nololeed. Cilmi-nafsi-yaqaanka xanuunku waa bixiye daryeel caafimaad oo khabiir ah oo kugu tababari doonaa waxa ad sameyn kartid si ad u fiicnaatid.

Guud ahaan, waxa ad baran doontaa:

- sida loo fahmo dhabar xanuunka iyo waxa ad sameyn kartid si ad dhakhso u uga fiicnaatid
- tabo maareyn oo waxtar leh oo lagu yareeyo xanuunka laguna ahaado qof firfircooni
- sida loo ahaado qof niyad u haya jimicsiga, xiitaa marka xanuun jiro
- sida loo yareeyo ama loo joojiyo baahida dawooyin xanuun.

## Dib-u-hawlgalinta Qof Qaba Xanuun

Cilaajyada iyo fasalada dib-u-hawlgalinta ayaa kaa caawin doona inad dib u yeelatiid xoog, dhaqaaq iyo adkaysi oo kaa caawin doona inad ku laabatid hawlahaagii caadiga ahaa.

Ikhtiyaarada waxa ku jira:

- jimicsiyada kicinaya wadnaha garaaciisa iyo sababada shaqadooda oo lagu dhexasameynayo burkad biyo diirsan iyo kuwo dhulka lagu sameynayo
- ka baarandagid, tai chi iyo yoga
- siyaabo loo maareeyo xanuunka iyo dhibaatooyin kale sida hurdo-la'aan, giigsanaan, walaac iyo diiqad
- sida aan loo isticmaalin dawooyinka xanuunka ee ah obiyoodh.

Waxa laga yaabaa in cilaajyadan loo bixiyo hab ah koox ama shakhsii.

## Qallitaan

Waxa laga yaabaa in qallitaanku noqdo ikthiyaar marka aan la-tacaaliso kale xakameyn xanuunkaaga. Waxa laga yaabaa in ka-dib qallitaanka ay qaadato bilo ka-hor inta aanad si buuxda u bogsan.

Lama ballanqaadayo in qallitaanku shaqeyn doono. Ikhtiyaarada waxa ku jira:

- **saarid qayb laf-dhabar (laminectomy) ama cadaadis ka qaadis (decompression):** Waxa qallitaanka loo sameeyaa si qayb laf looga saaro dhabarka mid ka mid ah ama in ka badan oo ah lafaha si loo yareeyo cadaadis saaran xadhiga xangulada ama xiddid dareeme.
- **saarid barkin laf-dhabar (discectomy):** Qallitaankan waxa loo sameeyaa si loo saaro qaybta soo baxsan ee giraanta (disc) cadaadis ku haysa dareeme.
- **isku-dhejin laf-dhabar hoose (lumbar spine fusion):** Qallitaankan waxa loo sameeyaa si loo xasiliyo lafaha dhabarka inta la isku dhejiyo ama la isku xidho 2 ama ka badan oo ah lafaha dhabarka.

# Isbarbardhigga Anfacyada iyo Halisyada

La-tacaalistu waxay u shaqeysaa si sii fiican haddii ad isticmaashid wax ka badan mid ama ka badan oo ah ikhtiyaarada ku khuseya.

	Is-daryeelidda	Jimcinta Laf-dhabarka	Cilaajka Jidhka
<b>Anfacyo</b>	<ul style="list-style-type: none"> <li>— <i>Muddo intee leeg ayay qaadaysaa ka-hor inta aanan bilaabin inan dareemo soo fiicnaan?</i></li> <li>— <i>Sidee bay u gargaarta in laga nafiso dhabar xanuunka?</i></li> </ul>	<ul style="list-style-type: none"> <li>■ Waxa laga yaabaa inad awoodid inad si sii dhakhso badan u bilawdid la-tacaalista.</li> <li>■ Waxa jira ikhtiyaaro kala duwan oo ad kala dooran kartid.</li> <li>■ Badi ikhtiyaaradu waa bilaash ama way kharash yar yihiin.</li> </ul>	<ul style="list-style-type: none"> <li>■ Waxa laga yaabaa inay kaa gargaarto inad si sii xanuun yar u dhaqaajisid dhabarkaaga.</li> <li>■ Waxa laga yaabaa inay kaa gargaaro inu kordho isgaadhsiinta u dhexeysa maskaxdaada, muruqyadaada iyo laabatooyinkaaga.</li> <li>■ Waxa laga yaabaa inay kaa gargaarto joogga.</li> </ul>
<b>Maxaa adiga kuugu muhiimsan?</b>			
<b>Halisyo</b>	<ul style="list-style-type: none"> <li>— <i>Waa maxay halisyada guud?</i></li> <li>— <i>Ma jiraan wax ah saameyno ama dhibaatooyin soo kordha?</i></li> </ul>	<ul style="list-style-type: none"> <li>■ Waxa laga yaabaa inu dhaawac ku soo gaadho ama u kordho xanuunku haddii ad firfircooni u sameysid si khaldan ama hagid la'aan.</li> <li>■ Weydii bixiyahaaga caymiska in la dabbirayo la-tacaalistaada ah is-daryeeliid.</li> </ul>	<ul style="list-style-type: none"> <li>■ Waxa laga yaabaa inay sababto xanuun iyo danqasho soo kordha muddo gaaban ka-dib ballantaada.</li> <li>■ Waxa laga yaabaa in caymisku bixiyo tiro kooban oo ah kulanno.</li> </ul>
<b>Maxaa adiga kuugu muhiimsan?</b>			

# Isbarbardhigga Anfacyada iyo Halisyada (sii socda)

La-tacaalistu waxay u shaqeysaa si sii fiican haddii ad isticmaashid wax ka badan mid ama ka badan oo ah ikhtiyaarada ku khuseya.

	Irbadaha Shiinaha	Dawo
<b>Anfacyo</b>	<ul style="list-style-type: none"> <li>— <i>Muddo intee leeg ayay qaadaysaa ka-hor inta aanan bilaabin inan dareemo soo fiicnaan?</i></li> <li>— <i>Sidee bay u gargaarta in laga nafiso dhabar xanuunka?</i></li> </ul>	<ul style="list-style-type: none"> <li>■ Waxa laga yaabaa inad dareentid soo fiicnaan isla ka-dib.</li> <li>■ Waxa laga yaabaa inay kaa gargaarto in giigsanaantu ka yaraato jidhkaaga.</li> <li>■ Waxa laga yaabaa inay dabciso maskaxdaada iyo jidhkaaga.</li> </ul>
<b>Maxaa adiga kuugu muhiimsan?</b>		
<b>Halisyo</b>	<ul style="list-style-type: none"> <li>— <i>Waa maxay halisyada guud?</i></li> <li>— <i>Ma jiraan wax ah saameyno ama dhibaatooyin soo kordha?</i></li> </ul>	<ul style="list-style-type: none"> <li>■ Saameynada waxa ka mid noqon kara: <ul style="list-style-type: none"> <li>— kordh xanuun</li> <li>— dhiigis ama buusan</li> <li>— dawakh muddo gaaban ama calool qasan (yalaalugo)</li> <li>— caabuq. (Kani waa dhif).</li> </ul> </li> <li>■ Waxa laga yaabaa in caymisku bixiyo tiro kooban oo ah kulanno.</li> </ul>
<b>Maxaa adiga kuugu muhiimsan?</b>		<ul style="list-style-type: none"> <li>■ Saameynada waxa ka mid noqon kara: <ul style="list-style-type: none"> <li>— diidmo ama alerji</li> <li>— hurdo-hurdo</li> <li>— calool qasan (yalaalugo)</li> <li>— ama calool-istaag</li> <li>— matagid (hunqaaco)</li> <li>— <b>walfid suurtogal ah.</b></li> </ul> </li> <li>■ Waxa laga yaabaa in caymisku aanuu bixin dhammaan waxa ku qoran waraaqda laguu qoray.</li> </ul>

# Isbarbardhigga Anfacyada iyo Halisyada (sii socda)

La-tacaalistu waxay u shaqeysaa si sii fiican haddii ad isticmaashid wax ka badan mid ama ka badan oo ah ikhtiyaarada ku khuseya.

	Duris	Cilmi-nafsiiga Xanuunka
<b>Anfacyo</b>  — <i>Muddo intee leeg ayay qaadaysaa ka-hor inta aanan bilaabin inan dareemo soo fiicnaan?</i> — <i>Sidee bay u gargaarta in laga nafiso dhabar xanuunka?</i>	<ul style="list-style-type: none"> <li>■ Waxa laga yaabaa inad dareentid soo fiicnaan isla ka-dib.</li> <li>■ Waxad u baahan doontaa gudbin ka timaada dhakhtarkaaga.</li> <li>■ Waxay gargaari karta in la ogaado meesha u xanuunku ka imanayo.</li> </ul>	<ul style="list-style-type: none"> <li>■ Waxa laga yaabaa inay qaadato dhawr maalmood ka-hor inta aanad bilaabin inad dareentid ka nafisaad xanuun.</li> <li>■ Waxad baran doontaa siyaabo kala duwan oo loo xukumo ama looga nafiso xanuunka.</li> <li>■ Waxad baran doontaa siyaabo kala duwan oo loo maareeyo diiqadda, walaaca ama hurdo-la'aanta.</li> </ul>
<b>Maxaa adiga kuugu muhiimsan?</b>		
<b>Halisyo</b>  — <i>Waa maxay halisyada guud?</i> — <i>Ma jiraan wax ah saameyno ama dhibaatooyin soo kordha?</i>	<ul style="list-style-type: none"> <li>■ Saameynada waxa ka mid noqon kara: <ul style="list-style-type: none"> <li>— dhiigis</li> <li>— dareen fiigid</li> <li>— caabuq</li> <li>— gulukoos dhiig oo korodha.</li> </ul> </li> <li>■ Waxa laga yaabaa in caymisku bixiyo tiro kooban oo ah duris.</li> </ul>	<ul style="list-style-type: none"> <li>■ Ma jiro firfircooni jidh oo la xukumayo ama lagaga nafisayo xanuun.</li> <li>■ Waxa laga yaabaa inad sameysatid ballamo badan oo loogu talogalay ka nafisaad xanuun oo sii socota.</li> <li>■ Waxa laga yaabaa in caymisku bixiyo tiro kooban oo ah kulanno.</li> </ul>
<b>Maxaa adiga kuugu muhiimsan?</b>		

# Isbarbardhigga Anfacyada iyo Halisyada (sii socda)

La-tacaalistu waxay u shaqeysaa si sii fiican haddii ad isticmaashid wax ka badan mid ama ka badan oo ah ikhtiyaarada ku khuseya.

	Dib-u-hawlgalinta Qofka Qaba Xanuun	Qallitaan
<b>Anfacyo</b>	<ul style="list-style-type: none"> <li>— <i>Muddo intee leeg ayay qaadaysaa ka-hor inta aanan bilaabin inan dareemo soo fiicnaan?</i></li> <li>— <i>Sidee bay u gargaarta in laga nafiso dhabar xanuunka?</i></li> </ul>	<ul style="list-style-type: none"> <li>■ Waxa laga yaabaa inay qaadato dhawr maalmood ka-hor inta aanad bilaabin inad dareentid ka nafisaad xanuun.</li> <li>■ Waxad tijaabin kartaa fasalo ama cilaajyo kala duwan taasoo ku xidhan baahiyahaaga.</li> <li>■ Waxad baran doontaa siyaabo kala duwan oo loo xukumo ama looga nafiso xanuunka.</li> <li>■ Waxad baran doontaa si loogu laabto firfircooniidii caadiga kuu ahayd sida tagista shaqada.</li> </ul>
<b>Maxaa adiga kuugu muhiimsan?</b>		
<b>Halisyo</b>	<ul style="list-style-type: none"> <li>— <i>Waa maxay halisyada guud?</i></li> <li>— <i>Ma jiraan wax ah saameyno ama dhibaatooyin soo kordha?</i></li> </ul>	<ul style="list-style-type: none"> <li>■ Ma jiro firfircooni jidh oo la xukumayo ama lagaga nafisayo xanuun.</li> <li>■ Waxa laga yaabaa inad sameysatid ballamo badan oo loogu talogalay ka nafisaad xanuun oo sii socota.</li> <li>■ Waxa laga yaabaa in caymisku bixiyo tiro kooban oo ah kulanno.</li> </ul>
<b>Maxaa adiga kuugu muhiimsan?</b>		<ul style="list-style-type: none"> <li>■ Saameynada waxa ka mid noqon kara: <ul style="list-style-type: none"> <li>— dhiigis iyo caabuq</li> <li>— diidmo ku saabsan dawada suuxinta</li> <li>— danqasho</li> <li>— habka dareemeyaasha oo dhaawacmay.</li> </ul> </li> <li>■ Waxa laga yaabaa in caymisku aanu si buuxda u bixin qallitaanka.</li> </ul>

# Doorbidkayga

Su'aalo	Fikradahayga
Marka ad ka fikirtid halisyada suurtogalka ah, waa maxay cabsiyadaadu ama walaacyadaadu?	
Marka ad ka fikirtid ikhtiyaaradaada, maxay yihiin rajooyinkaagu ama hadafyadaadu?	
Maxaa kuugu muhiimsan?	
Ikhtiyaaradan waa kee ka ad dareensan tahay inu sida ugu fiican ku aadan yahay hadafyadaada daweynta?	
Ma jiraa wax laga yaabo inu kaa hor istaago inad tan sameysid?	

## Go'aankayga Wakhtigan

- Is-daryeelid     Jimcinta laf-dhabarka     Cilaajka Jidhka     Irbadaha Shiinaha
- Dawo     Duris     Cilmi-nafsiga Xanuunka
- Dib-u-hawlgalinta Dadka Qaba Xanuun     Qallitaan     Ma gaadhin go'aan

# Talloobooyinka Xiga

## Su'aalo Ad Weydiisid Bixiyahaaga Daryeelka Caafimaadka

1. Dhamman la-tacaalisyadani ma ii yihiin ammaan?
2. Sidee bay dhif ama caam u yihiin halisyada la xidhiidha la-tacaalista an doorto?
3. Intee buu leeg yahay suurtogalka inan ka faa'iideysto la-tacaalista ama la-tacaalisyada an doorto?
4. Goorma ayaan ka fikiraa inan bilaabo mid ama ka badan oo ah ikhtiyaaradan la-tacaalista?
5. Haddii an go'aansado inan bilaabo mid ka mid ah la-tacaalisyadan, waa kuwee goobaha Allina Health ee bixiya adeegyadan?
6. Ma jiraan ikhtiyaaro la-tacaalis oo ay tahay in aanan sameyn isku wakhti?
7. Goorma iyo sidee baan ku ogaan doonaa in la-tacaalistu i gargaarayso iyo in kale?
8. Waa kuwee goobaha bixiya adeegyo caafimaad oo isku jira sida duugis-yaqaan, cilaajka jidhka iyo irbadaha shiinaha?
9. Halkeen baan u tagaa dib-u-hawlgalinta dadka qaba xanuun ama cilmi-nafsiga xanuunka?
10. Intee buu leeg yahay suurtogalka inan soo fiicnaado ama ka soo kaabto haddii aanan isticmaalin ikhtiyaaradan la-tacaalista?
11. Waa maxay tallaabada iigu xigta?

12. Su'aalo iyo xusuusino kale: \_\_\_\_\_

---

---

---

---

---

---

---

---

---

---

# Tallaabooyinka Xiga (sii socda)

## Su'aalo Ad Weydiisid Bixiyahaaga Caymiska

Waa muhiim inad fahamtid anfacyadaada daryeelka caafimaadka ka-hor inta aanad bilaabin la-tacaalista.

Wac bixiyahaaga caymiska oo soo si sax ah u soo ogow waxa la dabbiro iyo waxa aan la dabbirin ee hoos yimaada qorshahaaga, iyo inta lagaa rabo inad adigu iska bixisid. Lambarka telefonka ka fiiri kaadhkaaga xubinnimada.

1. La-tacaalistani ma tahay mid la iga bixinayo ama la iga dabbirayo marka la fiiriyo xaaladdayda caafimaad?
2. Ma jiraan wax ah shuruudo ama qodobo gaar ah oo an u baahanahay inan ka soo baxo si an u helo dabbiraad ama ka bixin kharash?
3. Muddo intee leeg ayaa la iga bixinaya kharashka la-tacaalistan ?
4. Waa kuwee bixiyeyaasha daryeel caafimaad ee ku jira shabakaddayda?
5. Bixiyahayga daryeelka caafimaadku ma u baahan yahay inu la socda sida ay la-tacaalistani iigu shaqeynayso si loo sii wado inan helo dabbiraad ama ka bixin?
6. Imiisa ayaa la iga rabaa inan ka bixiyo la-tacaalis kasta?
7. Su'aalo kale: \_\_\_\_\_

# Fiirooyin

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---



AllinaHealth

[allinahealth.org](https://www.allinahealth.org)